

Nd.

247. Tillaga til þingsályktunar

[115. mál]

um styrjöldina í Vietnam.

Flm.: Ingvar Gíslason, Jónas Árnason, Jón Skaftason, Magnús Kjartansson.

Deildin ályktar að lýsa yfir þeirri skoðun sinni, að deiluefni styrjaldaraðila í Vietnam verði einungis leyst með friðsamlegum hætti.

Stór hætta er á því, að styrjöld þessi geti hvenær sem er breiðzt út og orðið upphaf nýrrar heimsstyrjaldar, auk þess sem áframhaldandi styrjaldarrekstur eykur sifellt á langvarandi hörmungar vietnömsku þjóðarinnar.

Deildin telur, að vopnahlésviðræðum og síðar friðarsamningum verði nú helzt fram komið með því:

1. að ríkisstjórn Bandaríkjanna stöðvi þegar loftárásir á Norður-Vietnam,
2. að Þjóðfrelkishreyfingin í Suður-Vietnam verði viðurkennd sjálfstæður aðili við samningsgerðir,
3. að stjórn Norður-Vietnams og Þjóðfrelkishreyfingin í Suður-Vietnam sýni ótvíræðan vilja af sinni hálfu, þegar loftárásum linnir, að ganga til samninga og draga svo úr hernaðaraðgerðum, að leiða megi til vopnahlés.

Felur deildin ríkisstjórninni að framfylgja þessari ályktun á alþjóðavettvangi.

Grei nargerð.

Það skal tekið fram, að tillaga þessi er í meginatriðum sniðin eftir ályktun hollenzka þingsins frá 25. ágúst 1967.

Pó að flutningsmenn þessarar tillögu kunni að hafa að einhverju leyti ólikar skoðanir á ýmsum einstökum atriðum í sambandi við styrjöldina í Vietnam, er það samhljóða álit peirra, að heimsfriðnum stafi hætta af áframhaldandi hernaðaraðgerðum þar, jafnframt því sem vietnamska þjóðin verður að þola meiri ógnir og striðshörmungar en dæmi er til í sögu síðari tíma.

Sumir virðast telja, að Íslendingar hafi litla sem enga ástæðu til þess að láta sig varða atvik og viðburði í fjarlægum heimshlutum, enda sé áhrifamáttur okkar á alþjóðavettvangi nánast enginn. Þessi skoðun er þó býsna hæpin og oft beinlínis röng. Hún er m. a. röng að því er varðar styrjöldina í Vietnam. Þar er um að ræða lengra styrjaldarástand og ægilegra en við höfum lengi haft spurnir af. Heil þjóð — öll alþýða manna, saklaus börn og varnarlausar konur, jafnt sem hermann — hefur búið við hörmungar stanzlausrar styrjaldar í rúman aldarfjórðung. Tæplega getur það heldur dulizt, að styrjöldin í Vietnam er nátengd baráttu stórveldanna um áhrif, itök og yfirráð í heiminum. Einmitt þess vegna er yfirvofandi hætta á útbreiðslu styrjaldarinnar, og það varðar hvern ábyrgan mann, hvar i heiminum sem er, og hverja þjóð, hversu fámenn sem hún er og fjarlæg aðalviðburðunum, þegar styrjaldarhætta grúfir yfir mannkyni öllu.

Um það atriði, að við Íslendingar séum tiltakanlega áhrifalitlir á alþjóðavettvangi, skal því einu til svarað, að áhrif okkar þar þurfa alls ekki að vera minni en gerist og gengur um smáþjóðir. Við eignum m. a. aðild að Sameinuðu þjóðunum og njótum þar að öllu saina réttar og obbinn af öðrum aðildarþjóðum. Vera má, að hver einstök smáþjóð sé áhrifalitil út af fyrir sig, þegar um stórátök er að ræða og deilur milli stórvelda, en með samstöðu og einingu geta smáþjóðir orðið áhrifaafhl, sem um munar. Íslendingar eiga að fylgjast vel með því, sem er að gerast í heimsmálum, kynna sér málavöxtu sem bezt má verða og haga afstöðu sinni og skoðunum í samræmi við það. Einkum er það skylda Alþingis og alþingismanna að láta slík mál til sín taka. Umræðum um utanríkismál þyrfти að sinna miklum mun meira á Alþingi en nú er gert og fara þar að dæmi þjóðbinga í nágrannalöndum.

Með tillögu þeirri, sem hér er fram borin, gefst Alþingi tækifæri til þess að lýsa hug sínum varðandi það málefni, sem nú er mest rætt í heimsfréttum og tæpast lætur ósnortinn neinn þann, sem því kynnist.

Í tillöggunni er gengið til móts við það sjónarmið, sem áreiðanlega á vaxandi fylgi að fagna meðal stjórnmálamanna og rikisstjórna í fjölmörgum löndum heims, að deiluefni í Vietnam verði aldrei leyst með beitingu vopnavalds, heldur beri að leysa það með friðsamlegum hætti. Í því sambandi er megináherzla lögð á nauðsyn þess, að Bandaríkjamenn hætti að gera loftárásir á Norður-Vietnam sem fyrsta skref til vopnahlés og friðarsamninga. Mörg af aðildarríkjum Sameinuðu þjóðanna hafa skorað á Bandaríkjamenn að hætta loftárásunum á Norður-Vietnam, sem hófust fyrst fyrir um það bil þremur árum, eða í sama mund og hin svonefnda „stigmögnun“ (escalation) styrjaldarrekstrarins byrjaði fyrir alvöru. Meðal þeirra ríkja, sem haft hafa uppi slika áskorun, eru Norðurlönd öll, að Íslandi undanteknu, Holland, Frakkland og Kanada, auk fjölmargra annarra. Ýmsir heimskunnir og áhrifamiklir innen i hópi bandarískra stjórnmálamanna hafa ekki einungis lagt því lið, að loftárásum á Norður-Vietnam linni, heldur hafa þeir gagnrýnt harðlega mikilvæg atriði í sambandi við bandarískra íhlutun í Vietnam og þá þróun, sem orðið hefur í þeim efnum. Fer því mjög fjarri, að bandarískra þjóðin sé einhuga um ráðandi stefnu ríkisstjórnarinnar í þessu máli. Meðal þeirra, sem lagt hafa til að stöðva loftárásir og hefja samningumleitanir með sem fæstum fyrirframgefnum skilyrðum, eru öldungadeildarþingmennirnir Robert Kennedy, J. William Fulbright (formaður utanríkismálaneftnar öldungadeildarinnar) og Eugene McCarthy, sem hyggst bjóða sig fram sem forsetaefni demókrata gegn Johnson forseta. Einnig mætti nefna Jacob Javits, öldungadeildarþingmann repúblikana frá New York, Romney, ríkisstjóra í Michigan, frambjóðanda í prófkosningum um forsetaefni Repúblikanafloksins, og fjölmarga fleiri minna þekktar menn, sem gagnrýnt hafa ýmis atriði í stefnu ríkisstjórnarinnar í málefnum Vietnam. Meðal bandarískra háskóla- og menntamanna gætir einnig mikillar gagnrýni á stefnu Bandaríkjanna í Vietnam, ekki sízt að því er varðar loftárásirnar og aðra útpenslu og aukningu styrjaldaraðgerða á undanförnum árum.

Flutningsmenn gera sér ljóst, að stöðvun loftárásanna af hálfu Bandaríkjamaðra kemur ekki að haldu, nema á móti komi ótvíræður vilji Norður-Vietnamstjórnar og Þjóðfrelsishreyfingarinnar í Suður-Vietnam („Viet-cong“) til þess að ganga til samninga án fyrir fram yfirlýstra úrslitaskilyrða, enda þótt markmiðið hljóti að sjálfsögðu að vera það að tryggja Vietnönum óskoraðan sjálfsákvörðunarrétt í landi sínu. Hvað sem hverjum kann að sýnast um réttmæti eins málstaðar öðrum fremur, þá er þetta mál þannig vaxið nú, að samningaviðræður geta aldrei hafist, ef andrúmsloftinu er spilt með gífurýrðum á báða bóga. Öll meðalganga þriðja aðila og sáttaviðleitni af hálfu utanaðkomandi afla verður í fyrstu að beinast að því að deiluaðila að samningaborði án stóryrtra fyrir fram skilyrða.